

Magtubu to wôôyi to Piyêr li Kwôlo kôl kwôli magtubu to têê wôô to Piyêr li hen

Magtubu to têê wôô to Piyêr li hen na, ôbi li bijñ na bay ayê bôô kêm (Sapitre 1: 1). Kwôlo bô magtubu hende to hen na, na wô kurijñ kumbul uné bay gelére are kañ benare ka bijñ nañ tu Kwôlo Dôri hen né hen. Bijñé bay ka hen na, bay wujñ kwôy ô églis a. Anğa gel habré wo anğan gelé kaji bay ka hen na, na lê anğan bôd a tôn ka ðijñé li hen. Añ geré wo kwôni a kañijñ anğan gelé kañ benare kaji bay ka hen na, na dé yi yôd yi henê Emen wojñ tiri hen men, yi Jêsu Krist a a men. Henê Emen wojñ tiri bi wo hen na, na kwo bay jé ka na gel Jêsu nañ tirji men, na toy kwôlê wori nañ marji a men añ na dô kwôli hen.

Sapitre 1: 1-2 na, na dosé to ôbi liji.

Sapitre 1: 3-21 na, Piyêr ðebu sa hal wo dôri wo gel ayê bôô men, bê bôô pôn sa uwôgê wo Emen uwôgeji hen añ bijñ nañ derê kwôlo ka na gel Kelma Jêsu nañ tirji na dô hen.

Sapitre 2: 1-22 na, Piyêr kañ ari lê ðijñé kañ bay gelére are kañ benare hen yôd men, kañ hal woji a men.

Sapitre 3: 1-18 na, Piyêr kôl kwôli are pôn peré ari gelé kaji kañ benare bay ka hen. Bay ayrê ðijñé ka mô gem hera wo Krist hen men, bay kôl herari bi wo hen réé nañê a men. Piyêr uwôlji sara iyônğ ba hena Krist ré hera ré tô

ba, ré na sa kibi bô jalê wo Emen wo ré dî kirij biñ gawrê kwône ré bi bôrji sa Krist a añ ré uwôñij gelê men.

Sa terare a nà na, bay gelére anğan benare nañ sa pôn né. Kwôlo Piyêr kôl bô magtubu tori to jôgij wôô hen na, yi mega ré kwôlo ré kôlij kemnêñ iyôñ. Kwôlê bi wo hen dôbij bay ayê bôô ibiyare bôrji a añ bi bay ré ôrij tumô tumô tô henê Kelma Jêsu woji a añ bay ré dî kwôni gerij nañ ci kay nañ ermé woñ iyôñ a tôñ hen né.

Dosé to ôbi liji

¹ Na nôbi Simô Piyêr mana wo Jêsu Krist men, *ôbi jé wori a men.

Nôbi a lê magtubu hende to hen béñge kenbay ka ken uwôñ ayê bôô wo dôri môñ kwoni iyôñ sa kibi ari lê kañ derôre ka Jêsu Krist wo na Emen woñ ôbi gôlij nañ na hen. ² Bi bô derê nañ bô jalê wo Emen baa nañ ken damañ wô kibi henê wo ken hôn Emen nañ Kelma Jêsu Krist dô hen.

Hal wo bay ayê bôô

³ Na Jêsu Krist a lê a nana hônij Emen wo na uwôgêna hen añ bi nabay kôba, nana uwôñ hini emê wori men, bô derê wori a men. Na ôbi á, nañ néé wori wo dê kirij hen na, ôbi ré béna are kêmba ka nañêna hen añ bi jé lêrena ré yi kwo kôrbi men, bi nana lij anğa dé tu Emen a men. ⁴ Na hen iyôñ aña ôbi ré béna anğa dôri ka dê kirij damañ ka ôbi na genge dîré béna hen. Añ kirijna ken uwôñ are bay ka hen na, kena gôlij ermé kwôlê wo gengij sa anğa habij ka mène

kirij ka sa terare a nà aɲ bi kené ay hal wo Emen hen dî. ⁵ Na bi wo hen aɲa, ené kelênge bi kené mase kwôy bi jé lêrengge wo dôri ré nôge tô ayê bôo wonge men, bi henê Emen wonge ré nôge tô jé lêrengge wo dôri hen men, ⁶ bi beré yi wonge nôge tô hênê are kanje men, bi lêɲnê wonge nôge tô beré yi wonge men, bi dé yi yi Emen a nôge tô lêɲnê wo ken lêɲnê hen men, ⁷ bi geyé yi tô yêɲɲare a bi nôge tô dé yi yi Emen a men, bi peré yêɲêrɲge nôge tô geyé wo ken gey bɲɲé kêm hen a men. ⁸ Na jé lê bi wo hen iyôn hen a derê wo kené li kwôy kwôy, ôbi a, kené hônɲ Kelma wona Jésu Krist damaɲ a men, jé wo ken li hen a yé na kwo dôri hen iyôn kwôy kwôy a men. ⁹ Nɲba, kwôni wo li are bay ka hen ré na, ôbi yi môɲ kwôni wo tiri tɲ aɲ gel kirij kelaɲ né iyôn men, ôbi gôrbɲ wo Emen na ré dî bôri jal sa têriɲ lêêri to tumô hen kwôy a men.

¹⁰ Milɲén, Emen a terênge aɲ uwôgêngge iyôn ba, ken mase bi jé lêrengge yi kwo dôri hen iyôn kwôy. Hena kené li hen iyôn na, ka geré kayê tô geré wo Emen a ré. ¹¹ Na ôbi á, Emen ré dî geré wol damaɲ bi kené sɲ bô emé iyére to Kelma wona Jésu Krist woɲ ôbi gôliɲ naɲ na hen. Emé iyére tori hende to hen a yé na hen iyôn kwôy naɲ kunu.

¹² Iyôn ba, na jebé tô bônɲge ta ta sa are bay ka kêm hen bi wo ken hôn nɲ men, ken dêbe iyére tô kwôlê woɲ tiri wo bay na gelêngge hen nɲ a men hen. ¹³ Nɲba, na aɲga dôri bi ené jebɲ tô bônɲge ta ta sa are bay ka kêm hen kwôy wo na maɲ aɲ bi kené yi kum sara ré. ¹⁴ Wôsa

en hôn wo dê iyôn a menba, na ma mega wo Kelma wona Jésu Krist na kôlen tumô nîj hen iyôn. ¹⁵ Na masê bi kené uwônîj geré wô jebîj tô bônge ta ta sa are bay ka hen cêgi temayren a.

Emen geléna wo Jésu Krist ré na Kemari

¹⁶ Tumô na nini kelênge kwôlo gengîj sa hera wo Kelma wona Jésu Krist na nêé wori. Kwôli are bay ka kê m ka na nini kelênge hen na, na kwôlê wo jî dilemne wo gawrê ré, nîjba, na dampare tori to na nini gel na jî tîrni a nini kôl kwôle hen. ¹⁷ Kirîja Ibari Emen biri hini emê na jî dampare a men na, nini toy Emen wo jî ôbi sa are kê m kôl iyôn ba: «Kwo nà ná, na Keman, en geyri men, en li yi derê sari a a men.» ¹⁸ Nibay kôba, na nini dèbe ya na jî Jésu Krist sa keram wo yi na jî jengêri bi wo hen a a jî nini toy na jî marni tôo kwôni wo iyêl ô m derômaran a hen.

¹⁹ Na ôbi á, niné bi bônri daman a sa kwôlo bay kibi Emen na kôl a hen. Dô wo ken dôbê marnge dô ken toyîj kwôlê bi wo hen wôsa ôbi yi môj lampa to berare kirîj ka jî dilemne iyôn. Toyênge kwôlê wo jî bi wo hen kwôy wo ka gelîj are kê m sélé môj tare berare kirîj hen iyôn. Wulê bi wo hen na, Jésu Krist wo yi môj telabo iyôn hen a bulo hera upênge. ²⁰ Anga tumô ba, ken hôn sarngê a dô mega wo kwôlo na si kibi bay kibi Emen a na, a jî lîj bô magtubu to Emen hen na, bay na jî yirji kôba, na nê m derê tô kwôlê bi wo hen né. ²¹ Wôsa wulê wo bay kibi Emen na kôlîj kwôlê bi wo hen na, bay na kôl na na jî

née woji ré, niɲba, na Tunu toɲ hendi bô bôrê a na derê tumôrji aɲa bay na ré kôliɲ kwôlê bi wo hena ligi Emen a hen.

2

Déɲge tu melênê sa bay gelére are kaɲ benare hen

(Jud 4-13)

¹ Na ca yeɲ a bay kibi Emen kaɲ bay benare na ré mô perê kam *Israyêl a. Kemnêɲ kôba, bay gelére are kaɲ benare hen kôba, mô perêɲge a hen ya men. Bay a era jegê geliɲ biɲé aɲaɲ benare ka a mênêji hen men, bay a kaɲê Kelma Jésu Krist wo na gôliɲ naɲ ci hen. Lê bi wo bay li hen iyôɲ na, sem iyôɲ a menba, mênê wo dami a sé sarji a dus. ² Gawrê kwône a ayê jé lêreji wo habiɲ bi wo hen men, biɲé a kelê kwôlo habiɲ gengiɲ sa geré wo Emen wô sarji men. ³ Na wô uwôɲ lari mera aɲa bay gelére aɲaɲ benare bay ka hen ré lamêɲge derêɲge kwôlê woɲ benare hen. Biɲé bay ka hen na, Emen na genge wô jerê kwôlê sarji a ca yeɲ niɲ, aɲ sem a menba, ôbi a mênêji aɲ yôd.

⁴ Tumô kirijna *manê ka derômaraj a kôba, na li têriɲ hen na, Emen na bô tu na toji ré. Ôbi pôrji biji bô iyom wo dɔgi wo hendi a kwôy gemiɲ Wulê wo ôbi a jôriɲ kwôlê sarji a. ⁵ Biɲé ka tumô ka na li têriɲ hen kôba, ôbi na bô tu na toji ré. Ôbi a, kam bélem na ré mênê biɲé kaɲ bay habré ka sa terare a nà hen. Niɲba, ôbi na gôliɲ naɲ kwo na uwôl béré bi biɲé ré li aɲaɲ derôre hen men, ôbi na gôliɲ naɲ biɲé jurgem a jôgiɲ naɲ

Nowé a men. ⁶ Kwo gengijn sa sa iyére to *Sodôm naɲ *Gwomôr kôba, Emen na jô kwôlê sa bijné ka mô ya hen. Ôbi na uwoyréji mênên yôd aɲ naɲ tare. Ôbi li hen iyôn gel wo bijné ka ré biri kwôlê ré hen na, dîré sa liji na hen iyôn men. ⁷ Aɲ wulê bi wo hen na, ôbi sijn naɲ Lôd woɲ ôbi lê aɲgaɲ derôre hen aɲ Sodôm a. Wôsa ermé wo Lôd na mênijn gaɲ wô aɲga habijn ka bijné bay ka li môɲ tôô ré naɲ iyôn hen. ⁸ Wôsa Lôd ôbi lê aɲgaɲ derôre kirijna ôbi môrijn perê bijné bay ka hen na, ôbi gel jé lêreji wo habijn hen men, ôbi toy kwôlo habijn wo bay kelêrê naɲ wulê wulê hen a men na, bôri mênijn yôd. ⁹ Mega wo yi hen iyôn na, gel wo Emen ré hôn aɲga ôbi ré lê aɲ dôrijn bijné ka bi bôrji sari a hen kibi bô gusijn a men, ôbi hôn aɲga ôbi a lê wô gemijn bijné kaɲ bay lê têrijn bay ka hen kwôy Wulê wo ôbi a sa jôrijn kwôlê sa bijné a hen. ¹⁰ Bijné ka Emen a perêji dê megêrji na, na bay lêre aɲga habijn ka bu bôrji hen aɲ bay kaɲijn tôô to Emen hen.

Bay gelére aɲgaɲ benare bay ka na en kelênge kwôlijni tumô hen na, bay hariɲ ani kani ré men, bijn kwôni kwôlê ré men, manê ka derômaraɲ a ka ôrijn naɲ hini emê hen kôba, bay hariɲ tiniji ré men, bay tiréji a men. ¹¹ Manê ka derômaraɲ a ka ôrijn naɲ nêé dê bay gelé aɲgaɲ benare bay ka hen kôba, bay tiréji tumô Emen ré. ¹² Bijné kaɲ bay lêre aɲga habijn bay ka hen na, bay erem kwôlê ré môɲ kwo tanare to noni to bay a beré deré hen iyôn. Bay tiiré aɲga bay hôn tôrji ré hen men, bay ma môɲ tanare to noni hende to hen iyôn a men. ¹³ Bijné bay ka iyôngi hen na,

gusij a na ari têbê sa kôbriji mega wo bay na gelij megêrji gusij hen iyôn men, lê anga habij ka tu tare ta a beré bôrji men, kirija bay mô nan ken kibi anğan emê na, jé lêreji yéngge tayre men, seléngge a men. Bay laméngge an lij yi deré sara damañ. ¹⁴ Ermé kwôlê woji yi na sa wogé yébé a mera men, bay merên tô lê têrij a ré men, kirija bay gel bijné ka iya tô kwôlo Emen a na, bay lamji biji bô têrij a men, bay erem na sa ari upé a ta ta a men. An kwôlê wo Emen bu sarji a nij. ¹⁵ Bay déj geré wo Emen an ge kay an ayji geré tô Balam woñ kema Bosôr a wo dôri lij bijné habré wô uwônij lari hen. ¹⁶ Nijba, wulê wo pôni a na, Emen nay Balam wô wo ré biri kwôlê ré. Wulê bi wo hen na, kura wo iyêl ré hen kôba, kôlij *ôbi kibi Emen Balam kwôlê môñ gawra iyôn an jôri sa lê anğan kubrare a.

¹⁷ Bijné kan bay gelére anğan benare bay ka hen na, bay yi môñ kelmá wo kam nan tôri a iyôn men, bay yi môñ yé emen wo kal dôri an iyôn men, Emen nan kini merê woji bô kirij kan dilemne ka dê kirij a. ¹⁸ Bay uwôyrê yirji nan kwôlê woñ déj iyôn wo bay kôl hen men, doy lê têrij to yi bôrji a hen na, bay lamij bijné ka dera yirji perê bay lê habré a hen an bi bay ré li môñ kwoji iyôn. ¹⁹ Men, bay kôlji coré merê nan sarji menba, bay yirji gan na limé ka têrij to a mênêji hen men. Wôsa i i kôba, na lema wo anga biri lemnare hen. ²⁰ Hena bijné ka ré dera yirji tô lê anga habij ka sa terare a nà wô wo bay hôn Kelma woñ ôbi gôlij nan na Jêsu Krist hen ana bay ré hô ô lê habré bi wo hen hôrij

na, wulê wo bay mô bô a haw hen na, habijî dê kwo tumô aɲ sôn. ²¹ Hena ré na hen iyônɲ na, bay henaɲ ré hôn geré woɲ derôre ré ba, dô gôliɲ wo bay ré hôn aɲ bi kwôlê sa tôô to Emen to yi naɲ jengêre to bay na gelji hen ré hen. ²² Are bay ka bay li hen na, na mega wo gwosoy kwôlê kôl iyônɲ ba: «Gera ré hô ôm belê wori hôriɲ» men, na mega «Gwôsiniô wo bay ré pili sél menba, ré hô ô dôbe yiri bô kurbô a hôriɲ hen iyônɲ.»

3

Kwôlo gengiɲ sa hera wo Kelma Jêsu Krist

¹ Milɲên kapê, magtubu to na na, na to jôgiɲ têê wôô to en li béɲge. Bô magtubu hende to wôô hen na, en li jibiɲ na tô bôriɲge ta naɲ ermé wo dôri gengiɲ sa aɲga na ken hôn niɲ hen aɲ bi kené môriɲ tu geɲ sara. ² En gey bi kené gôrbijî sa kwôlo bay kibi Emen ka tumô ka yi naɲ jengêrji na kôl hen né men, ken erem sa aɲga Kelma Jêsu Krist wo na ôbi gôliɲ naɲ na wo na kelêɲge kené li hen. Ôbi na kelêɲge kwôlê bi wo hen naɲ geré wo bay jé kari ka ôbi na jéji hen. ³ Men, aɲga en gey bi kené hôn a na: mega wo wulê wo sa terare baa dfa wo ta kerê niɲ hen na, biɲé ka pôni a so aɲ a lê are kê m ka bôriɲ gey hen men, bay a selêɲge men. ⁴ Aɲ bay a kelê iyônɲ ba: «Jêsu Krist bi na yônɲ dî ba? Ôbi na kôl dîré bulo hera menba, na iyeɲ dî ba? Mônierna ma niɲ kôba, ôbi hera ré tô tô men, aɲga sa terare a nà kê m kôba, yi na kiniji baa ya kirijîna tô terare na djiɲ yeɲ dîba, nini gel ani kani ka belijî né tô.»

⁵ Bijné bay ka kôl kwôlê bi wo iyôngi hen na, bay gôrbijn mega wo tumô ba, Emen na ré kôl kwôlê menba, derômaran nã sa terare na ré lij men, ôbi dĩ terare nà, nã kam men, ôbi dĩ jengê yi perê terare a nã kam a men. ⁶ Men, nà ná nã kam aã Emen na ré mênij sa terare tumô kirijã kam bélem na ay sa terare kêm hen. ⁷ Men, ôbi na kôl iyôn ba: derômaran nã sa terare to ré yi haw hen na, bay ré yé hen iyôn kwôy Wulê wo dĩré sa uwoyéji nã tare yôd aã. Ôbi gemji hen iyôn nã kwôlê wori kwôy Wulê wo ôbi a sa jôrij kwôlê sa bijné men, a mênij bay lê têrij a men.

⁸ Miljên kanê, kwôlo pôn nêj wo nà ná, bi bôrŋge gôrbijn sara ré, kwôlê bi a na: tu Emen a na, wulê pôn na, yi môj elê dubu iyôn men, elê dubu kôba, yi môj wulê pôn iyôn men. ⁹ Bijné ka pônij kôl iyôn ba: «Emen né li aŋga ôbi na ré kôl dĩré lê hen lew ré.» Nijba, na hen iyôn né, ôbi uwôl bôri nã ken bi kwôni pôn nêj iyôn kôba, ré mênij né nijba, bi bijné kêm ré dĩ tô têrij toji aã.

¹⁰ Nijba, kirijã wulêri a nêmê menba, Kelma Jêsu Krist a hera môj môj. Ôbi a so dus mega ôbi gemsare iyôn. Wulê bi wo hen na, bijné a toyé né are a emê dami derômaran a aã derômaran a nanê selêj mera aã tare a uwoyé aŋga derômaran a hen kêm yôd aã men, sa terare nã are kêm ka yi ya hen a nanê a men. ¹¹ Mega wo are bay ka kêm hen a nanê hen iyôn na, dô wo ken dĩ tu melênê sa yerŋge a men, ken ay yerŋge bijn Emen yôd men, bi jé lêreŋge yi kwo séli a men. ¹² Merêŋge ken gem Wulê wo

Emen a herap hen men, ken mase bi Wulê bi wo hen era lew a men. Wulê bi wo hen na, tare a uwoyé derômaran ap a napê selêp ap. Men, are kêm ka yi ya hen a jôrip nap uwoyé tare hende to hen men. ¹³ Nijba, Emen na ay tôri béna mega wo derômaran to kôrbi nap sa terare to kôrbi ré so ap na bay a nana mô gem hen ap are kêm ka ré yé ya hen na, ré na angap derôre.

¹⁴ Miljên kapê, mega wo ken mô gem Wulê bi wo hen na, masênge bi ken li têrip tôni ré nijba, ken bi jé lêrengé ré yi kwo séli yôd tu Emen a men, ken bi bô jalê yi perêrengé a nap dî a men dî. ¹⁵ Henênge mega wo hena Kelma wona Jésus Krist ré uwôl bôri ap ré bulo hera haw hen ré tô na, ré na wôsa ôbi ré gey bi kené uwôn tulmô kirip bi kené uwônip gelê. Na ôbi á, yêna Pol na ré li magtubu a bêngge gelipge are bay ka hen nap tu melênê wo Emen biri hen hen. ¹⁶ Na kwôli are bay ka hen ana bô magtubu tori kêm to ôbi li na, ôbi kôl kwôlijî bô a. Kwôlo pôni wo ôbi kilêré bô magtubu tori hende to hen a na, henê bôri na, iyêre gap. Na ôbi á, bîné ka hôn bô kwôlê bi wo hen dô ré ka dëbu geran sa têrji a ré hen a men na, bay bul bô kwôlê woj tiri bi wo hen ap dô kwoji nap benare mega wo bay lip kwo dangi bô magtubu to Emen a hen iyôn. Lê bi wo bay li hen iyôn na, bay mène yirji nap kôbrijî woji gap.

¹⁷ Miljên kapê, kwonje kenbay ba, mega wo ken toy hen iyôn nij na, dêngge tu melênê sa yerenge a wô wo bay bip Emen kwôlê ré hen a lamênge ap bi kené dëp dëbé sa têê wonje a. ¹⁸ Iyôn ba, ken ô tô Kelma woj ôbi gôlip nap na Jésus Krist a kwôy kwôy ap bi ôbi ré tô kibri

sarŋge a men, kené hônipni dô tumô tumô men.
Bi heramê yi wô sari haw hen kwôy naŋ kwini.
*Amên, bi yi gelij hen iyôŋ.

Magtubu tôô top bijare to kôrbi
Kimré: Magtubu tôô top bijare to kôrbi New
Testament

copyright © 2007 Wycliffe Bible Translators, Inc.

Language: Kimré

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

9dff176-4e78-52cc-9acd-204efe85cf84